

學子集

内閣文庫
三六二九
一〇
四五
二

内閣文庫
三六二九
一〇
三六二九

内閣文庫
番號 漢 3629
冊數 10 1
圖號 316 102


316-102



Kodak Gray Scale



© Kodak, 2007 TM: Kodak




重刻解學士文集序

淺草文庫



始余遊東山經三麓而後躋浮黎浮黎者東山之巔也據
是返顧培塿層疊環以百數當是時第謂高厚必資積累
理固然耳後數年友人相期于衡百里而近望其高與東
山似卽而仰攀百折縈紆窮日乃至祝融之峯自峯頂下
視旁無倚附緣麓一谷橫四十里蓋拔坤維入漢紀特立
而博敷諸山非其倫也又數年入匡廬其地不異東山獨
五老峭峙得衡一體於是悟曰物固有至鉅者乎彼名岳
者山之至鉅不由積累而高厚者也匡以五老亦得名岳
譬之形貌兩人戴立豈不轟然而不可爲鉅偏長拘行無
以語聖賢之大亦猶是也夫聖賢至矣彼畧毀譽輕利害
視天下事無不可爲而不可罔以世俗之見故卒應王佐



而稱豪傑若是者亦謂鉅人春兩解公幾之方
高皇揮斥英雄濯拭宇宙此何時也而公未弱冠天眷獨隆
成祖之勅契符魚水觀其應制寓諷封事犯顏有鄭公之正
乳兒朝貴敝屣爵位有方朔之竒忤權蹈危投荒厲節有
太白之邁保儲忘身從家戍邊有東之之烈是果積累得
之否乎即使有歉於聖賢亦當不失爲豪傑何則其才固
自殊也世之知公者淺類以詞翰賞之至論平生莫定題
品伏聞

仁廟嘗曰人言解縉狂縉非狂士嗚呼非日月之明哉公亦
有言寧爲有瑕玉莫作無瑕石斯固且自况矣公蒙禍既
酷藁耐外氏洪先再過其下歛歎息不忍輒去會桂史
遵化古松段君來江省吊古采言檄縣禮葬將刻其遺文
以傳公天才逸發援筆萬言不事屬稿而又經籍沒故多
散亡從孫桐緝錄凡十卷求加詮次稍剔其僞不盡刪繁
亦以見公不屑屑尺寸間所謂不由積累一驗也嗚呼覽
者其辨人中之岳安在無徒高卑之校哉
嘉靖壬戌春邑後學羅洪先撰

解學士文集序

大江之西山川之靈秀最多者由得天地盛大流行之氣
爲多也山川之靈秀磅礴而鬱積必鍾而爲人蘊乎道德
發乎文章著爲事業以炳耀天下而垂萬世者非得天地
之氣爲尤多者乎唯其得是氣之多寔爲雄偉俊傑宏博
碩大之才以乘丕隆之運而昌其所得盛大流行之氣其
宏辭鉅筆足以鋪張神藻慕叙鴻業鏗乎有聲燁乎有
光彌滿宇宙超軼前古使天下知朝廷之大遠夷知中
國之尊後世知今日之盛其爲用甚博者不本於是氣
之所爲乎自胡元運隳光嶽之氣分至國朝始混一西
江山川靈秀所鍾而廬陵解先生縉紳出焉文章始復大
振故在當時天下之廣人物之衆以及四夷之遠千百世

之悠久皆知有先生者又非本諸文章之發見乎古人之
文見於經者是也豈雕琢而爲之哉其出言吐辭于論事
之頃皆成文章蓋以大樸始散淳龐雅大之氣在人猶多
故也漢唐以來治雖不如古而述作乃或有古之風者抑
幸而際夫天地之氣漓而復合也以天地之氣混合而爲
一未有盛于今日如先生豈非得盛大流行之氣於混
合之日而西江山川孕靈毓秀之所生者乎諫在童稚始
知人事時卽知先生名先生先謫河州河州去敝邑二百
里也諫生也晚恒以未識面先生爲平生恨每得斷紙點
墨以爲珍玩日臨寫之如接先生於几席之上豈得所作
上高廟書六十餘事及五七言詩歌讀之其論切時務
其言格石心其忠犯人主其學之贍才識之高如布

帛菽粟充溢庾藏視金玉雖貴繡錦雖美而卒有益于人
國之用莫是若也如士師用法雖不拘拘于律而權衡輕
重之間自然合乎情而當乎罪也如削壁萬仞瀑布奔瀉
而累無滯竭如勇將雄師戰勝攻取而志不少攝也其詩
如古體諸篇使入太白集中孰別其爲近時之作其言非
雕琢其意卓然有見而非泛其氣象嚴峻凜然而有不可
犯之色也豈非一代雄偉俊傑宏傳碩太之材也歟及來
京師訪其全集于先生仲子中書舍人禎亮家謂先生之
於文有求輒應下筆滔滔不待思索雖千萬言頃刻立就
所作流播天下遺稿不復盡拾合存萬無一二於是遍求
大夫士家及聞人口誦而錄之併諫所藏者共得古今詩
二百五十五首文雜體共十七首爲之校編成集分爲六

卷乃積所得俸資托宗友用和謄刻五七言絕句事五十首因被命脩史日趨館閣不暇以爲南京國子監吳祭酒與儉聞之復寄詩一集及御醫胡秉常處又得序記十餘首所未載者仍爲併入又增六卷自喜所得之富蓋有待以完也今年春皇上光復寶祚諫叨進侍讀職朝回無事欲畢前工無幾使交南命又下矣茲工不果就重爲慨然秋九月使自南回過廣西龍川太平至橫州貴縣皆先生經行之地於致仕蕭教諭鳳岐諸君處共得雜文六十餘篇詩百首梧州又得廣西何布政孟煥所寄詩數首曩嘗以類廣而未考其作之先後茲於舟中按地里歲月遠近而次第之共成三十卷先生雖終交廣叅議而而學士則天下人所共稱而易知者也因名曰解學士先生

集先生於洪武戊辰自吉來京師又一年賜歸故里三十一年戊寅赴京扼於權臣謫西河州曹國公李景隆錄登華嶽詩聞始用爲翰林待詔太宗文皇帝爲衆心推戴登寶位先生卽入應詔遂得大用又七年以廣西巨濟出先生佐理後遷交趾往來湘桂蒼梧海南思明龍州欽化題詠甚多此蓋得其半耳昔爲興慨茲喜過先生故里與所經行之地所得之富尤倍於昔又非有所待乎十月丙申至南海巡按監察御史徐公迓予舟中因見是集特以示中貴總戎及藩臬諸公交口譽諫較輯之勞又謂所集之文乃公天下事勞則固爾費難獨任也咸助已資命工刻梓以傳俾諫之心果於有成而使先生之文與名得傳於後也雖然先生之名豈待是文之傳而後顯哉昔在

太祖皇帝 時先生以江西第一人貢至京師隱然名動
公卿間暨登第即蒙 龍眷授中書庶吉日侍 左右諮
訪政事俾補甚多嘗進封事切中時宜皆見采納時先生
年方十九毅然以天下自任雖老成練達莫之或先比之
賈誼尚少而才亦優故 高廟之待遇又遠過文帝雖百
絳灌之毀而終莫易帝意此 高廟洪度如天地又豈漢
文之所及哉柰何龍去鼎湖而竟遭權臣之害遠謫西陲
文廟正大統首召爲翰林侍講尋陞學士凡朝廷詔勅及
大制作大經典皆出先生手與凡大政事大議論有關
國家生民之重者先生皆與之建儲之議羽翼之功尤多
其知之深信之篤任之專一時文臣未有及者雖在位不
久而道行當時功施 國家澤被生民聲名之在天下雖
遐方異域以及千百世之遠無不知之初非待文而後顯
也誠以先生得之天地鍾於山川本諸道德著爲事業以
炳耀天下而垂後世者必於是焉發之則先生之可傳者
未必不在是也嗚呼西江山川所鍾前乎而有歐陽脩文
天祥數百年後復於先生見焉使先生久於其位其匡君
澤民不在二公下使在德祐景炎之日其精忠大節凜然
不可奪又未必不與文山相頡頏也觀平日之直言正論
如所謂事有不窮之變心有不易之主與全軀不學褚淵
生爵古耳爲杲鄉死之語則先生之心可見矣予雖未識
先生而於先生之文見先生之心讀者尚於此求之
明天順元年冬十月望日
賜進士及第奉議大夫尚

寶司卿兼翰林院侍講金城黃諫序

古今人論文曰理爲主曰以載道曰昌其氣大要不出孟子知言養氣而已古之人動靜語默無非文者豈操觚翰而後爲文也哉後世之文愈趨而愈下非文之下也文與行岐而二之也今翰林解公縉紳自生七年以來至于今其文若干卷一時耆俊皆屬而序諭之余幸同朝讀之徒不釋手而莫措一辭其間深自咎其言未至也因公之行以序論公之文庶幾不至於謾亦不至於誣也聞公自幼能言諄敏超絕郡守令至其家或抱至膝上應聲成文皆錯愕驚歎稍長小心靜密識量過人知讀書爲文皆不勞而習既敏而益勤父母惟其病之憂也時時勸之少息爲文口占操筆皆立就未嘗起草其簡纔數語以足其多至

萬言不窮命一題一心不厭倦而思益精到崇正學而闢異端不爲支離誕謾之說不爲艱難辛苦之態隨事置作洞視萬世而耻規摹古人求其歸則未常異于古人也此鍾山川河漢之靈南方極盛之會天資之明大非人之所可企而及矣甫十七江西以第一人貢于京師士大夫素聞其盛名相期會連衽結駟往見公應答舉止如平常不以爲異既登高第擢甲科

上及東宮竒其才眷注之隆前此未有即入中書知誥兼翰林內外制皆掌之謁告時刻

上輒問安在嘗與間語屢上封事

上輒自持入其論思獻納親故莫聞而中正才敏兩制皆自以爲莫及也廷辯直言聞者肅然其自處犯而不校居常

解春南先生文集 卷之二 七
恂恂人不見其愠怒光善開導人心獎勸後學休休樂善
愛人之心一息不間浩然之氣發心由理所以年甚少而
巍然有碩大之望又嘗自誦曰處其心常在熙春巖日之
間則天下無可怒之人咸以爲名言公之文所以汪洋大
肆而無齟齬其間正直閑深而無偏陂之失未嘗拘于一
足之法而未嘗失其一定之法也兼說萬有貫通而時出
之浚其源於六經要其歸于周孔雖不求工文與行如影
響之出於形聲也混然天成卓爾出類集義養氣孳焉未
已余何足以知公之萬一哉公名縉薦紳其字其族自唐
家吉已七百年餘每舉進士必父子兄弟聯疊以爲常至
宋有諱元者累破元木累功至封王元初從祖諱成遠連
三世國公其諱真我以名進士死節贈中書平章其祖也

以名進士

勅脩宋書諱觀者其從祖也其父元末辭叅知政事爲世大
儒學者稱筠澗先生公生名家道授有緒姿淳穎秀望之
主立

天子愛惜其楷書至親爲之持研行草精妙絕倫善議論古
事皆如目覩聽者忘倦初與伯兄綸俱登第履歷華要遠
方異域皆能誦說其名而 天子每臨群臣誦以爲榮且
勗勵諸王貴人皆注視之余非欲評公之文與行事如此
以見公之爲文天資學問充積發見不能自己而至於如
此初非若操觚翰而學爲文者之所能至也
明禮部侍郎襄陽任亨泰序

士稟天地之正氣出而爲世之豪傑千百世之下足以起

人之敬慕而信其為豪傑者夫豈無自而然哉若唐之韓
昌黎柳宗宋之歐陽脩蘇子瞻輩皆以詩文盛鳴于時在
後世之學者舉以豪傑稱而師仰不置者蓋以詩文流行
于世有足徵也洪惟我朝

太祖高皇帝混一華夏

太宗文皇帝續承鴻業以聖繼聖四方豪傑風漢而雲合然
以詩文擅名當代則翰林學士解先生其一焉先生名縉
字縉紳江西吉水人也余少從事於文學每聞長者誦先
生詩文輒錄而記之蓋已知其豪傑迨壯入仕京師間得
一二什若獲珙璧益加甄重天順癸未秋予以南京戶部
郎中出知湖廣寶慶越明年春揮使姪侯深得內翰金城
黃先生所編先生全集不自私捐貲鉅梓以廣其傳其用

心亦仁矣哉工完請余序予惟姚侯武將也尚能尊信而
表章之顧余自幼而壯壯而老師慕于先生者得無一言
以成姚侯崇儒之志哉先生自幼穎悟過人未十歲日誦
數千言終身不能忘年十七中江西鄉試第一會試廷試
擢居首選經義策學錄出為天下式繼入翰林即知制
誥屢上封事切中宸衷當時廷臣莫能為之先嗚呼先
生之才本之天成豈易得哉觀夫是集諸作立論措辭各
有根據至於新奇宏壯豪縱放逸一自胸中流出畧無適
俗韻譬之長江大河一瀉千里覽者靡不心驚而目駭非
稟天地之正氣出而為世之豪傑者能之乎嗚呼先生逝
矣先生之作尚足追踪乎韓柳匹休乎歐蘇是集一出播
傳中外吾知先生之名與韓柳歐蘇長留於天地間雖千

百之下誦其詩讀其文感發而興仰者將亦驗其為豪傑
否乎敬書此以質後之同志云

天順八年歲在甲申夏四月

中順大夫湖廣寶慶府知府潮郡蔡朔書

解學士文集卷目錄

應制

古詩

河清頌

嘉禾頌

瑞應歌辭二十
四篇

五言絕

上賜虎顧象彪圖

五言律

太皇太后挽歌

七言絕

文華殿侍宴

紅冠白啼鷄

白鷄冠花

七言律

武英殿喜雨

宴文華殿

萬壽節

早朝

應制

春日早朝

恭和御製韻

蹴鞠

文

大明會典

冊立 皇后

立后詔

大庖西封事

大平十策

論袁泰

論韓國公寃

進寶錄表

謝恩表

賀河清表

賀平交趾表

賀中宮箋

賀東宮箋

解學士文集目錄

解學士文集目錄總

卷一

應制集

卷二

四言古

五言古

五言律

五言絕

五言排律

七言古

卷三

七言絕

卷四

七言律

賦詞

卷五

序

族譜

解學士文集目錄

卷六

序

贈送

集錄

卷七

記

卷八

行狀

墓表

卷九

誌銘

卷十

祭文

書簡

雜著

題跋

梁文

制策

附錄

解學士文集總目錄

解學士文集卷之一

應制古詩

河清頌有序

臣縉承詔總脩

大明太祖聖神文武欽明啓運俊德成功統天大孝高皇帝

實錄自渡江七年辛丑冬十一月三門磧下黃河清實啓

聖之徵

帝業由是遂成明年平江漢又明年服荆楚又明年定兩浙

又明年克姑蘇廓清中原四表寧一廼即

帝位紀元洪武之年三門磧黃河復清

帝業由是而盛高麗來朝為海外諸國先殊方接武而至逾

三年

皇帝陛下重華協德瑞應同符紀元未樂之二年冬十二月
戊辰朔十七日甲申三門磧下黃河清先是榮光燭天隱
隱紛紛倏然捲收洞微見底淪連五采間日迭耀乙酉之
旦河兩傍近白光湯滉如金鎔如鉛如汞如玻璃色悠樣
不定素練捲而掣之也居二日有玄文如綃輕幕水上如
犁雲隱空已迺若漆光可鑑黝然靜深非涅而緇洞絕渣
滓又二日乃見濃綠又如翡翠如青琉璃如遠山黛繞磧
下如蒼虬翠蛟飛舞於流荇文藻之間望之而可掬也二
日後如朝霞映日紅雲上波初陽迤邐花卉紛披倏如胭
脂浮流薄減一洗下見沙石如芙蓉丹砂燦然郁列於瓊
瑜綿綺之間可指而數也後二日如泥金霏屑隱約浮沉
流薄采鳳羽毛鱗鬣沫飛潛動金芝暈文琮玉在鍊錯雜
斑映瑩無纖塵又如築琥珀以爲堤釀金香而注之也已
迺微碧與天一色橫渡亂流者扣舷鼓柁洞見眉髮疑若
步空虛凌倒影挽銀河而下之也於是夾河觀者耄倪歡
呼曠古罕遇自河津傳播于晉絳之人相率來觀肩相摩
也自韓城播皆于秦隴之人觀者扶携皆項相望足相躡
也四方之人行旅過之莫不爲之驚喜歎息閱玩坐起裹
裏而不能去者晉高平王遣使馳奏之繼而吏民報至皆
言其狀秦王上表賀獻嵩與晉人克合於是群臣上表未
樂三年春正月戊戌越十八日乙卯迺復其舊實三旬有
二日按所上言咨詢群言既審同異 恭惟
皇帝陛下謙抑弗居謂何德臻茲稱
大祖高皇帝神靈然自

陛下即位以來四方萬國之外感恩慕德高麗日本安南占
城暹羅爪哇西洋流球真蠟拂林覽邦緬甸波勒迤比兀
良哈女真野人西番哈梅朵耳烏思尼巴天竺否召不約
咸至于庭瑞應大來震動天地不可掩抑大平之業將由
是而極盛臣縉職司紀載歡欣無已謹拜手稽首而獻頌
曰

天啓

聖明休命赫奕洪河屢清龍門之碣昔在

大祖廣運神武銀河昭回洗滌九土洪河孔神佳氣協順應
茲昌運歲在辛丑雲雷構迤河清獻瑞既肇龍門天戈所
指六合風靡景昃朝宗如河之水功德格天即位紀元龍
門河清應干明年東夷始服三陟接踵如何奔趨有赴無

壅我

皇繼統永樂紀元龍門河清亦越明年惟此龍門神禹所闢
功在生民宇宙無極惟茲瑞應先後同符

大祖在天昭昭不誣禹功

帝德世萬世億帝德禹功與河俱東河源崑崙太古積雪九
河駿奔濺目沃鐵闕石迴瀧盤東地底龍門天開茲激蝟
起衝奔九地滅電走影聲喧怒雷淖汨沸昇經緯天文橫
絕地紀貫百川羅絡萬里五行之生莫先於水四瀆之
列莫大於此於此考祥粵古是常昭茲大運塞其榮光虹
飛雨翳霧密霞流倏陽忽陰乍闕乍收其騰氤氳其下續
續其旁困困其隙紘紘海市青紅仙神艷淑醫鳳驟麟朝
暎若木轉盼一空伏波疑席沉沙躍金堊壤薦壁驚鷗鷁

群下顧毛羽隔岸見魚空行曳尾星芒耀月影夾鏡倒浸
迴光動植交映既自既玄翕忽丹青黃旗紫蓋春卉秋英
五方歲融五緯宣精五運合一五采流形事有絕世久而
後應物有絕倫久而後盛地闢天開多歷年所堯舜重華
卓冠萬古草木咸若卿雲爛垂千羽苗格簫韶鳳儀于時
河清榮光既塞不游不驚貢賦絡繹通島夷夾石究導
九河轉輸濟潔浮于磧石龍門會于渭汭匪緩而滄曷勝
舟載盈變謙流時移變易不有來今曷知古昔於昭

大明

聖聖相承殊音重繹日造在庭堯舜惟欽

我皇日敬寤寐卅書典謨金鏡祥謂不祥

聖不自聖惟謙授益惟人無競河流載清尚或如帶聖壽齊

天萬世未賴河流載清龍門如礪

聖德同天未賴萬世

四夷咸賓 有序

皇帝臨大寶之明年紀元永樂嘉與萬方共躋仁壽一德咸
孚休祥昭應民安物阜四夷畢來東若朝鮮日本暹羅東
南若流球中山南北有安南古城西南海東洋瓜哇鬼方
緬國木邦孟定麓川威遠八百老摘里車西若烏思尼八
刺西北畏吾匈奴哈迷遠者數萬朝聞夕引奉貢儀物皆
至京師其文辭稱述盛德對揚鴻休誠服心悅發見于
外殊音重譯異服奇詭惟忻攸同嚮慕無已庶衆聚懽天
下抃喜咸相謂

聖神光被如日月之照臨天行雨施妙運莫測垂裳拱手於

穆清而有生之類盛見于四方萬里之遠鼓舞輻輳而歸
之來享來王而不能已吾民河幸而臻茲嘉會實萬世一
時也朝之群臣亦咸相謂虞舜有三苗之征周公有戎狄
之膺宣王逐獫狁而秦漢及隋疲弊中國力夫之爭無時
或寧唐宋否極上天厭罪命我

太祖聖神文武欽明啓運俊德城功統天大孝高皇帝起而
定之不令而從不言而化八表周風四十餘年

皇帝以聖繼聖北隆唐虞殊方歸命者接迹而至宜有詩歌
垂之頌聲軼遠古而過之又咸謂臣縉宜爲義不可辭則
合群臣之言從容奏寫

皇帝曰咨周家九夷通道大保進旅獒之訓虞庭干羽既舞
伯益有儆戒之箴故愚者常以小康肆志賢者不以外物

動心朕方兢業於初服是何足云頌聲其爲作君臣相飭
之歌以繼虞周之治臣縉竊謂自古頌美而寓規諫皆臣
子摠誠委曲之小心臣愚不及此乃自

皇上發之是誠萬世一時也謹拜手稽首而獻詩曰

皇帝明德與天同運華夏莫安四夷效順限山順海風氣不
通不招不約奔走来同梯陟踐阪航涉濤瀧泛塞溽暑赤
雪玄霜殊形竒醜異服紛龐鬣髮焦赤睽眴深黃猩唇假
啄黎面文身祖疏椎結皮裳卉巾離披落索搖曳縈纏鞮
鞞殊音侏離禽言呶嗚重繹舍館授粢窮物式陳兼金玉
瓚齒革羽毛服食器用

皇帝勤儉異物非重厚往薄來懷柔無外八表同仁膺茲嘉
會以心感人人自歸其來無矧往或追陋彼漢唐好大

喜功本之不競而末是從苟得其人不為富強苟得其地不足廣疆耳目細玩惟彼所產耽玩惑心悔之已晚

皇帝明德謹之於細慎始惟終圖難於易照乘之珠象度所

喜詎若得賢照千萬里四夷畢來象度榮之曷若中夏一

民無飢明良責難安不忘危小臣作戒賢聖是師

御書贊有序

右冊書義字我

大祖聖神文武欽明啓運俊德成功統天大孝高皇帝

御書今吏部尚書詹事府詹事臣蹇義為中書舍人時洪

武丁卯春三月七日賜名也十有八年於此矣義初名鎔

洪武乙卯進士甲科

孝陵親擢為侍從掌外制時最重兩制官非有文章學行親

結

上知不能得而得任者亦皆合時譽義賜名後以憂去乘傳

歸蜀臣縉以戊辰進士承乏詞垣兼知制誥親聞

上語稱其篤實明年起復同官出示此卷俾識其下方辭讓

而受命為御史監察本貫江西未暇也又明年侍父南

歸縉之父載朝于京師許為之頌以勸亦不果但歸而

語縉曰

聖天子知人之明事必傳於世宜有贊揚之以為天下訓也

縉嘗念之不敢忘茲蒙恩俱屬東宮又同官也義因復

出此卷驚喜感泣不知所云尚惟

君父之遺言嘉以朋友之同志仰瞻奎畫之照臨益竦寸

心之惕勵繼自今而臣縉臣義之心敢有一頃刻一毫釐

解者附以文集 卷之一
之非義乎他日史官書之可使之得無間然之義乎贊曰
神明載典開天應期經高緯厚翊贊書詩謨明訓彰汪汪百
川宣玉詔要約一言天尊地卑非義不定人靈物生 非
義不成仁愛之施非義則墨禮貴適中非義則或知有變
通非義則譎忠信非義尾白竒拙惟義在心理之中正萬
物是制萬事是宜則成輔相左右範圍造化非宜聖人制
之尺度權衡是有是特勿長以欲勿短以私勿以好昂勿
以惡低勿高下手與人推移剛毅有執金石匪堅紅光貫
日劔氣徹天人惟愛生有重於生人惟惡死有重於死惟
義之歸俯仰無愧惟義之全生順死安於穆

高皇天作君師殊音鼓舞庶草蕃滋矧茲近臣日轂月軌朝
漸夕摩淪肌浹髓冊書煌煌婉于天光天光霄晦冊書不
昧耿若河漢五緯昭迴夜光明月珙璧瓊瑰不豈于晝賈
禍長奢豈若冊書戒謹夙夜稽于古人豈無烏號豈無天
球豈無赤刀豈若大訓惟德惟義豈若
帝訓無偏無陂豈若冊書致或愈欲

高皇師善惟日不足

今皇繼統圖任舊人允昔簪履既秉衡鈞孜孜贊贊戰戰兢
兢思思義通告在庭

嘉禾頌 有序

洪武二十有八年秋九月壬辰朔庚戌北平永清衛之龍
門禾有異莖同穗之祥其三幹合爲一仍三穗者二二穗
合爲一仍二穗者六是歲大熟今

上皇遣使來進群上表賀

大祖聖神文武欽明啓運俊德成功統大孝高皇帝親御墨
爲詩一章以賜今


上皇帝其詩首言創業之艱天命之不易除暴禁亂之師撫
民致治之畧中言天賜豐登之屢史書垂示之嚴明堂裡
薦之重末示謙冲戒謹之意爲善不足之誠大矜下民之
惠與民同樂之盛心溢於言表蓋不以嘉禾爲可矜而以
爲可懼而思以自勉

聖不自聖兢兢業業足以垂訓於千萬年今

上皇帝服膺聖訓念手澤之存諷誦追惟不能自己乃永樂
三年九月朔旦用墓勤于石拓木裝治成軸分賜諸王及
近臣於是臣縉亦得與賜焉又適有嘉禾之瑞臣縉仰惟
日月之光華昭着於天地其溢而上者爲慶雲爲景星爲

霞五色其下者爲璿珠爲美玉爲丹砂使人欣慕而寶愛
者皆日月之餘光也古先

聖帝明王有日月光華之德其禮樂文章流風遺韻之傳若
詩書所刻百世之下光景常新猶足以使人欣慕與景星
慶雲諸福之物同一快覩而况身被其澤目覩其盛鼓舞
涵濡其有不發而爲華封之祝康衢之謠以自鳴其慶幸
之萬一乎實人情之所不能自已也拜手稽首而獻頌曰
洪武乙亥秋穀登朔方龍門嘉禾生三穗二穗交兩騰異
本同類同敷榮蓋珠金粟隔露疑親藩錫貢來神京玉匣
上有黃雲蒸衮衣當日御彤庭百辟忭嘉陳休徵四野歡
呼傳頌聲 帝曰俞哉稽之經旅命婦禾凜不矜作詩致
戒大丁寧昌言受命畏天明降福穰穰恐弗勝庸錫親藩



鍾 聖情亦知玄德由茲弘十年事驗 天威靈 聖孝
 通天推至誠求樂重華信有禎 賜詩日閱心屏營手澤
 猶存訓服膺每御翰墨懷墻羨想當 睿思玉几憑智周
 八極通杳冥重念稼穡憂農耕暑寒怨咨憐獨乳祗願年
 登百穀成群臣環列忭且驚百神降鑒來軒盈雲霞灼爍
 飛陶泓鴻章 聖藻驅風霆造化萬彙皆流形工巧人為
 何足稱奎璋爛爛不可名但見東璧餘光精刻以端溪紫
 玉英摹本裝以龍鸞綾頌錫群臣荷 龍榮天球大訓河
 圖并人文至寶奠八絃夜夜虹光燭大清 聖子神孫萬
 億齡萬世黎民歌太平

白象 有序

粵稽成周象輅之飭以象禮大夫之笏用象詩稱象秭禹

貢言齒革則象之為中國服用久矣交趾諸國即唐虞以
 來南交之地五服五長之所疆理以象為貢豈古昔之常
 制也與惟我

聖明受天明命全復唐虞成周之地迨南交順附而馴象蕃
 息於輦轂之下者四十餘年矣瀟者交人作亂

聖天子命將征之師行未逾時而白象來獻臣按昔周獲白
 魚而勝殷漢得白麟而定西域唐得白龜而平淮蔡白象
 之獻安南克平之先兆也若彼漢晉魏唐宋九真林邑陀
 羅文犀之獻以為異者以求而得之又皆無其應豈可與
 今日之盛相挈而擬倫哉臣謹再拜稽首而獻詩曰

聖人垂衣朝大清四方萬國皆來庭考圖按籍一疆理田賦
 貢錯稽諸經占城交趾古荒服漢唐列郡猶連城自從宋

季歷當否淪入異境誰能懲蠢蠢小醜作威虐清問赤子
行天兵感茲白象來入貢執訊獲醜斯吉徵維南巨獸有
馴性視瞻四躰多震驚肉豐味異鼻拾芬齒貝側理雷紋
縈時來變化北嶺玉隱約有似蛟龍騰智能拒害思報謝
駕車服戟由性靈傳聞西竺多此物治平之世來南溟黃
金羅轡眩晴雪琉璃絡索分水晶月光夜寒催立仗露珠
下滴搖光星天河浴出雲浪湧玉山迤迤空中行楊花煖
風吹不起白雨一洗堆銀屏乃知和氣有克塞地不愛寶
呈華英中朝賢俊出濟濟澤及鳥獸通幽冥雞鳴犬吠桑
柘黑百穀披野雲蒸

聖情謙撝勵宵旰慮及八表多鰥寡

聖德萬歲白象顧但喜指日南交赤子被

聖德萬歲萬歲歌神明

瑞應歌辭二十四篇

臣伏惟

聖明太祖聖神文武欽明啓運俊德成功統天大孝高皇帝
開天闢地之鴻業運合乾坤包涵宇宙鈞陶顯幽自受命
降神淵潛濠梁至在在位七十有一年天人洽合和應大
來若所居紅光燭天絳衣神人端簡致詞途中遇疾有紫
衣饋食舟師出淮則淮泗水湧渡江而青雲隨之親征婺
州五色雲覆軍上下寧國亦然攻雞籠山有龍盤帽英舟
彭蠡至馬當有白龍夾舟而上甘露降五緯聚河 流清
龍馬來廷野蚕成蠶草木孕生並帶連理嘉禾瑞麥之生
見疊至雨暘時若騰雪應期五穀屢豐賢俊登庸下至拔

術皆可名世謙恭抑畏謹終慎始巍巍藹藹不可悉
惟 洪

聖天子達孝至仁續承大寶重華日月光前啓後瑞應同符
益以騶虞神龜醴泉寶蓋青鸞白鶴白象黃犀神人呼化
日舒長四夷畢來視前益盛而謙恭之詔屢戒飭臣工者
甚至尤與

大祖同符合轍自生民以來未有盛於日者也臣職在太史
謹備書其事業爲求樂歌詞二十有二篇薦之郊廟勤之
金石頌揚神明永樂無極騶虞出於釣許之神后山獻之
朝爲騶虞獻第一樹石孝陵求厥跌龍潭山之麓得龜呈
第二三門磧下黃河清凡三十有二日爲洪河清第三醴
泉出神樂觀爲醴泉湧第四有事于治城觀五色雲降自

天中爲慶雲垂第五甘露屢降鍾山治城草木沾潤疑輝
燦然爲甘露降第六山東野蚕成蠶遺山谷作野蚕第七
北京暨四縣嘉禾屢生作嘉禾生第八河南關隴暨四方
郡縣瑞麥豐見作瑞麥秀第九裡薦上帝有寶蓋浮空而
至于正陽門入于宮城敕不以宣作寶蓋第十有老父羽
衣至神樂觀大呼萬歲者三故復都邑已而忽不見迺知
其神人也敕勿以言作神人呼第十一有瑞石呈圖日月
合璧重輪宛然作瑞石圖第十二青鸞下朝天宮作青鸞
第十三白鶴祥集以萬數作白鶴第十四得白鹿于北京
作白鹿第十五占城白象作白象第十六廣西以白兔進
作白兔第十七南夷屢獻靈犀作靈犀第十八蒲蘆上有
文曰太平或取以獻上郤之爲木孕文第十九瑞雪應期

作瑞雪第二十雨暘時若作雨暘時第二十一登俊登庸
第二十二化日舒長作末日第二十三四夷畢來作四夷
來第二十四

騶虞

聖德至同天地感騶虞應嘉瑞均許有山曰神后嵩岳之輔
高峇晃榮光紫氣徹漢霄瑞靄密密並祥飈洽幽明神駿
奔民懽欣月光蕩漾浮喬雲睨視如有白石蹲非熊毛質
異威若虓虎何其馴參旗旦七夕爛渡江來雲影燦如玉
斯温雪斯温雪斯白白毛滃滃間花黑露溥溥凝石黑率
舞明庭感 聖德感 聖德荷 上天永樂禎祥出簡編
大平萬壽萬萬年

神龜

瞻
孝陵答大清豐碑銘神龜呈都城萬姓騰歡聲啓土蒼珉若
平竇穴於爍霞流頰有物跼伏恬不驚質與璠文理班分
方圓昂首穹窿正不偏兩月照耀璿璣九宮戴履應星躔
虛危夜夜光精連孕元氣化亭毒鬼工攢月斧縮肉好中
邊巧承覆水精結珠溥溥鎔鑄妙合無瑕蔽吸沆瀣麗重
淵綠文水虎垂銀爛鉛氣火龍騰紫氛代毛洗髓翠薄堅
水鎮厚土壽齊天壽我 神明萬萬年

河清

聖道成 聖世平銀漢明黃河之流至龍門迸落九土千
丈渾惟華勛暨

大祖三千年德施溥榮光窳河河獻圖五色照映冰玉壺昔

解春南先生集 卷之二
洪武今末樂襲休祥頌聲作河水經天橫地浴騰氤氳下
續續旁困困潦云云海市青紅艷采雲纖塵靜夾鏡空露
沙石海亟通離婁下見馮夷宮三旬二日古莫同 聖德
至與天地比天地儲祥不敢秘瑞應 神明萬萬世

醴泉

聖德通玄澤融 聖孝格醴泉溢闡神珍示昭錫使蓐收
灑氣浮月華桂露瓊芳流命素靈勅金精下汲東井輪玄
冥斟北斗運璇星苾苾已覺椒蘭馨味醇和氣芳烈酒醴
甘水玉潔飲者痾痊沉一毀蟾光滴玉甃溢禽下衛覆以
翼抃且舞侍朝夕庶類豈知蒙 帝力天遺奇祥示無極
頌醴泉荷上天 聖壽徵福綿壽域同躋億萬年

慶雲

鍾山龍蟠海與江水潤通銀潢潢織女煥經緯線絲五色
天機張天遣榮紆降成匹蕭索輪困耀朝日浮雲積翠翻
如練縹緲朱絲絡金鈿非丹霞非紫煙祥光郁郁續紛紛
瑤壇下覆香網緼迺知和氣爲慶雲良由 聖德通山陵
光華旦旦歌虞庭 聖壽天齊億萬齡

甘露

洪武年中 天子聖養老尊賢崇孝敬 御手調金昇鑿
坡賜近臣賡歌洽四國 龍章寶翰尚如新軒轅寶鼎咸
陳迹海晏河清在今日末樂重華萬國賓繼志述事崇明
禋亦知孝感由天造歌詠宣章屬縉紳甘露降鍾山陽丹
厓潤靈草芳金光玉縝粲朝陽甘露降降洽城琳宮滿玉
砌盈瓊林琪樹明華星甘露降降自天天乳垂光五色鮮

仁惠膏流通上玄潛靈厭汜敷紛紛飴密甘脂肪白竹蒿
滾麗松栢天啓神明昭 聖德萬歲萬歲蒙 聖澤

野蚕

聖治康垂衣裳教養老重蚕桑野蚕成蠶彌山岡金丸玉
果若林粧飛絲白如白雲粲五采凝朝曛望中都若方春
萬歲稽首歌陶鈞徃掇取去如雨斧遠揚載筐篚手挽繰
車心口語 聖皇儉德符堯禹禎祥應王道成惟寬征帛
縷盈萬歲萬歲歌太平

嘉禾

聖治成和氣盈歲豐禾生同穎同榮夾兩膝十穗九十穗
常合迸乃有百穗車箱盈實桴實好浮光晶金堅玉藻粲
列星連莖疊葉瑞氣蒸五色粲粲甘露凝連疇競茁蒼艾

驚詩書所載信有徵獻于朝庭 天子聖清謙抑稽之終
史丹垂光萬歲承萬歲歲歌太平

瑞麥

瑞麥秀秀兩岐歌漢謠世已稀豈知 聖世名華麤麥秀
五岐常見之葉萋萋實離離萬里黃雲覆金粟小家庭刺
百萬斛來牟價賤不論錢瑞麥呈祥生先百穀人長育萬歲
萬歲仰 聖明聖明治世敷民福

寶蓋

泰堦平璇極明薇垣列宿垂光精寶蓋冉冉來宮城閣闕
照耀霞流頰纓絡索鏘有聲從以玉璣和鑿鈴黃金擁蓋
朱冕紘葉葉金弁玄復清五采相宣七寶成正陽鎖闥晨
啓荷損蠟委羽轍迹盈萬神輿衛森靈雜物降監赫有

徵萬歲宮中朝大清

神人呼

神人呼自碧霄羽衣舉霓裳飄星冠霞珮金鳳翹神人呼
震天聲海甸騰山岳應萬姓歌舞懽都城神人舉疾風雨
隨流星滅飛羽倏燦神光照區宇宇咸懽謠靈徵同軒堯
萬歲山呼仰 聖明

青鸞

琳宮啓瑤壇麗絳節朝青鸞至噦噦蹒蹒威鳳儀迴翔炫
轉霏虹霓黛毛翠羽蔭桂旗碧天碾出青琉璃綴紅采金
明芝抃舞合懽和埵窳隨帝來車徐徐度雲英甘露濡上
帝陟降情所娛感通 聖孝來寧區萬世萬年垂簡書

白鶴

皓鶴飛青天中瀚海淮駮乘鸞車翠鳳旗皓鶴舞朝扶桑
暮玄圃弄影瑤池玉簫譜月玄精味玉玦項丹砂羽白雪
千秋萬歲見河清萬里翱翔狎雲月護理壇繞翠邊行翩
翩舞躑躅成群下遶金爐煙靈芝銜出上朝天壽域同躋
萬萬年

五言絕

上賜虎顧衆彪圖

虎為百獸尊誰敢觸其怒惟有父子情一步一回顧
五言律

大皇太后挽歌 三首

姪姒興姬國塗山啓夏王萬方仁覆下奕世壺儀光赤子
天空顯玄宮地未藏哀歌隨逝水河漢遠天長

翊運符坤厚承天協睿謀星華光帝座月彩麗神州仙馭
蟾宮遠祥雲鳳闕收萬方俱失恃揮浹濕清秋

謚冊徽音嗣山陵吉兆符聖情昭儉德陶瓦送靈車北地
興王運中山淑慶餘仙遊廣寒殿長照 聖明君

七言絕

文華殿侍宴 二首

昨日文華侍宴回中都父老一齊來謳歌盡祝千年壽更
說詞官總俊才

待臣自愧廟廊材得奉 君王萬壽盃酒灑金波浮日月
萬方喜氣一聲回

紅冠白啼雞

頂上芙蓉不用裁渾身如在雪中來平時何見閑言語一

叫千門萬戶開

白鷄冠花

鷄冠渾是臘脂染今日如何淺淡粧只爲五更貪報曉至
今猶帶滿頭霜

七言律

武英殿喜雨

春殿微微動好風密雲將雨下長空魚龍變化九天濶草
木敷榮大地同洙泗夜添三尺水京華日長萬年松小臣
賸有爲霖志一滴天瓢海宇豐

宴文華殿時雪方霽宮樹皆如玉石刻鏤

上命取瑪瑙盤和以蔗漿且啖且賦

萬年枝上雪花寒摘下傳呼瑪瑙盤薇露酒時珠的瀝蔗

梁凝處王闌干鷓班左右題詩急鶴駕從容帶笑看聞道
征西人最若飛書昨夜到金鑾

萬壽節

御氣排空雉扇開金衣照日近臣來綠囊已進千秋籙
座還稱萬壽盃三子吹簫雙鳳闕羲娥攬轡六龍回侍臣
此日承恩澤散作祥風遍八垓

早朝

紫禁追趨曙色寒景陽鍾動漏聲殘兩行銀燭通雙闕一
道朝儀引百官星斗遙臨花外落旌旗只在仗中看侍臣
欲進陽春曲 聖主恩深賦轉難

應制四首

瑤階玉殿迥無塵 天子臨軒策小臣絳蠟珠簾光照曙

紫駝銀鬣色浮春扶搖九萬飛騰異禮樂三千制作新草
野書生何以報願隨丹禁絲綸

粉蝶巍峩倚碧天九重閭闔五雲邊飛龍 天子黃金屋
戰馬將軍白玉鞭文苑花開千樹錦御溝柳拂萬條煙儒
生幸際昇平世永樂昇平萬萬年

禁樂初傳玉漏遲九重門外直多時藍袍擁日千官會綠
柳生風萬馬嘶露滴銅盤露路近香浮龍袞御煙微書生
十載燈窓下今日承恩到鳳池

紫金山上玉芙蓉佳氣浮空擁六龍天地肇開洪武國星
辰旋統大明宮文章才子聲名遠武畧將軍膽氣雄行過
御橋流水外一泓含玉影玲瓏

春日早朝

金陵自古帝王闔此際風雲慶會晨鳳閣九重仙仗肅鸞
花三月錦城新雲開御苑千峯曉氣轉陽和萬斛春安得
致身青鎖闕願隨冠服侍楓宸

恭和 御製宗泐韻

錦綉山河畫素秋梵王宮繞 帝王州九天露下涼如洗
百衲雲蒸翠似流玉殿錦鶯飛欲下金爐寶篆落還浮詩
僧久在紅雲裏豈有消埃荅 聖猷

蹴鞠 二首

畫袴分行兩兩縱當場蹴鞠位西東上時滄海月初出停
處青霄日正中八面四方無定在千回萬轉又相從亦知
從諫如園者魚水君臣意氣同

制器由來尚象同綵毬八百拱當中規圓日月蟠雙鳳滿
貯風雲載六龍本是無心涵太極却能有物合虛空從知
消長由真宰橐籥乾坤一氣通

文

大明帝典

洪武戊寅

惟

大明開天闢地正倫復義通幽達明神識睿知用夏變夷商
周漢唐宋罔匹俊於放勛世系緒本顯項周諸侯國于邾
漢大司空浮喬丹徒句容族以顯渡江稽于泗 玄淳篤
慶 仁祖暨陳后習夢于休靈冠黃舍止索於牟結糖璿
園苾薌曰食以食藥既寤齋蘭郁風震有娠天曆戊辰九
月丁丑旦天光臨焱騰采登衆託驚已卯膨不懌 仁祖
夢之寺抱拭千金人植璋於脅端寤瘳罔疚夕即焱興夙

角者曰先生文集卷之一
祇于上下神靈動徵止隨陰郁有應惟不黷歲甲午夢江
東有木天齊日輝帛書帝翱翔太平美中華霽歲乙未
渡江挺登采石遂取太平憐于夢徵止坊日升平舍陳氏
誕懿文陳媪賢夢龍見天雲光爛然具盤金輿謹曰太
子生太子生及降陳勝大拔勅兵戡定建業宥密本基
帝曰咨爾善長文政文忠爾達爾遇春爾愈爾和爾大海
爾璟爾惟戰惟守毋或輕於戮無彼我皆天民惟天是鑒
僉曰疑衆降用劉帝曰天不違于人人敢違天惟天殄
矧有衆克用威戰鄱陽日重輪愈曰以火攻疇曰底哉俞
乃言友諒卒死降十萬帝拜手稽首誓于將士曰惟毋
殺有戮于一人罪及爾衆衆拜手稽曰唯命乃定姑蘇乃
定閩海乃定西蜀縛張士誠致陳友定走橫廓降明嬰四
代而天下大定基曰惟帝天生獨稟全智文臣將臣惟
成美是視雷行電馳罔有髮不利惟天授非人力是致帝
曰朕罔聞知惟罔傾間以私惟克誠陰陽表裏赫有明徵
非心黃屋拯生民于塗炭收天下于群雄繼天出治經綸
萬邦由一心運量歲郊祀祇祇夔不敢仰視惠鮮小民一
夫不獲如灼于肌極天所覆罔不率俾帝曰爾后妃惟
居中罔有髮于外爾外戚惟畏法毋以親是恃爾寺人惟
給事掃除是司爾將臣惟出則用衆襄事則歸于第罔以
權或昵天休滋至帝勿休曰朕德罔克臻茲龍據于頂
不震不驚五緯聚河流清雲綉卿鳳銜圖龍馬來廷赤鳥
翔白兔見蓮並萼木孕文屢豐年甘露降嘉禾秀麥疊然
益至於菓蔬帝勿休曰朕德罔克臻茲惟勿怠是非祥

惟災 帝經文神煥聲中律度夙興夜寐克儉克勤不脩
宮室不為遊畋服御無華聲色不邇絕不酒于酒受命五
十載惟終始如一惟 懿文開天闢地神識睿知協于
帝佐命丕圖夙播于徽柔輔運匠心翼從惟謙不自庸承
天時行克孝恭克儉克勤乃文乃武陰陽于下民惟至仁
乃殂落民用誠若喪考妣

冊立 皇后文

壬午

皇帝制曰粵稽古典內治之隆媯汭嬪虞塗山翼夏姬周
之盛本自姜任厚德承天彛倫攸叙昔我 皇考太祖高
皇帝龍飛啓運身致太平亦惟我 皇妣孝慈高皇后坤
元合德克相肇基日月光華照臨下土化成俗美有關雎
麟趾之風淑慶方亨壺儀猶在咨爾徐氏中山武寧王徐
達之女為朕正妃內助藩國二十餘年朕恭行天討無內
顧之憂濟朕艱難同勸開國今窈宇肅清朕登太寶允賴
相成宜正位號今特命使奉金冊金寶立爾為皇后以奉
神靈之統母儀天下表正六宮爾尚遠尊古道謹守 高
皇后之訓夙夜儆戒永保貞吉耿光萬年於戲敬之

立 皇后詔

奉天承運皇帝詔曰朕荷天地神靈 祖宗敷佑繼承大
統華夏肅清稽于古典夏殷周之盛亦資內助以致雍熙
朕 皇考太祖高皇帝肇脩人紀惇典庸禮臻茲治平薄
海內外室家相慶功德兼隆與天同運亦惟朕 皇妣孝
慈高皇后效法承天肅雍顯相德配 聖神化家為國朕
正妃徐氏開國元勳中山武寧王徐達之女達佐朕 皇

考咸有一德格于 皇天天惟申命用休君臣篤慶榮裕
始終毓茲貞淑嬪于肇封家政攸寧朕恭行天討無內顧
之憂厚德嘉貞姆儀懿範同朕恭勤保茲天命君臨爾萬
姓之上是用於洪武三十五年十一月十三日命使奉金
冊金寶立徐氏爲皇后正位中宮共承宗廟布告天下咸
使聞知

大庖西封事

上諭公曰爾試思當今施政所宜直達以聞公退即日具疏
遂上 皇帝封事臣伏奉 聖旨朕今命爾義則君臣恩
猶父子當知無不言古云爾有嘉猷嘉謀則入告爾后于
內爾乃順之于外曰斯謀斯猷惟我后之德嗚呼人臣咸
若時惟良顯哉臣謂成王於是失言矣歷觀載籍以來固

以進諫之臣爲善亦未嘗以 納諫之主爲非唐虞君臣
更相勸戒更相推讓光昭不窮載爲盛美昔人有譖魏徵
于唐太宗者爲其錄前後諫章以視起居郎褚遂良雖未
必然借令有之亦足垂世臣主同休停婚什碑臣竊謂太
宗怒非其怒矣 陛下當曰符堯舜師表百王豈宜不比
太宗則非臣之所願望也臣願與皋夔比肩不願與魏徵
同列則臣之感恩服義懇切以爲言者尤願 陛下毋自
狹小誠萬世一時也 陛下挺生南服一統華夷功高萬
古此放勛也得 國之正皆非漢唐來所及真所謂取天
下于郡盜救生民于塗炭 命將出師皆受成笑不假良
平不倚信布徐定燕都市不易肆女寵外戚寺人藩鎮之
患消融底定皆處之有法朕兆不萌矣不邇聲色不爲遊

政既皆遠過于漢宋又何謙遜于唐虞惟願 陛下篤惇
 信之本加慎獨之功登臨若對之功益加密不覩不聞之
 地能無閒雖處深宮之內亦如郊祀之時即前日郊祀之
 敬繼今日存養之功推所以愛臣之心以愛天下推所以
 待臣之心以待萬物喜怒哀樂一聽于天理上下四旁一
 視而同仁以天地為一體以天下為一人今出惟行也不
 宜於數改刑期于無刑也寧失於不經故今數改則民疑
 疑則不信刑大繁則民玩玩則不清國初至今將二十載
 無幾時無變之法無一日無過之人 陛下嘗教臣云世
 不絕賢豈億兆之象果無一賢如古之人而盡皆不才者
 哉 陛下嘗教臣云民不畏死柰何以死懼之良由
 陛下誠信之有間而用刑之大繁也宜其好善而善不顯

惡惡而惡日滋者善未必蒙福而惡未必蒙禍也嘗聞
 陛下震怒鋤根剪蔓誅其奸逆矣未聞 詔書褒一大善
 賞延于世復及其鄉尊榮奉 恩始終如一者也或朝賞
 而暮戮或忽罪而忽赦施不測之辱則有之矣誠以
 陛下每多自悔之時輒有無及之歎是非私意使然也存
 養之功湏臾少加密耳是以有過不及也 陛下天性素
 嚴或差于急克伐怨欲臣知 陛下聖性所無也臣見
 陛下好觀說苑韻府雜書與所謂道德心經者臣竊謂甚
 非所宜也說苑出于劉向向之學不純溺于妄誕所取不
 經且多戰國縱橫之論壞人心術莫此為甚韻府出元之
 陰氏鄙猥細儒學孤識陋蠅集一時兔園塞士抄緝穢蕪
 畧無可采 陛下若喜其便於檢閱則願集一二志士儒

英臣請得執筆而隨其後上沂唐虞夏商周孔之華奧下
及關閩濂洛之佳葩根實精明隨事類別以備勸戒剛其
無益焚其謬妄勒成一經上接經史豈非大平制作之
一端也歟今又六經殘闕而禮記出於漢儒蠹駁尤甚宜
及時刪改日御經筵訪求審樂之儒大備百王之典作
樂書一經以惠萬世以承唐虞尊祀伏羲神農黃帝堯
舜禹湯文武皋陶伊尹太公周公稷契夷益傳說箕子於
大學而孔子則自天子達于庶人通祀以爲先師而以
顏曾子思孟子配自閔子以下各祭于其鄉而魯之闕里
仍建叔梁紇廟贈以王爵而以顏路魯魯魯魯魯魯魯魯
代之因仍肇起天朝之文獻豈不盛哉若夫祀天宜
復掃地之規尊祖宜備七廟之制奉天不宜爲筵宴

之所文淵未備夫館閣之隆大常非俗樂之可肄官妓
非人道之所爲禁絕娼優俾於變之民不遷于淫巧易制
寺闈尊天子之貴不近于刑人執戟陛墀皆爲吉士虎
賁趣馬悉用俊良雖門戶掃除之役命公卿子弟之賢任
諸侯王於衆職定久任法而加封待臣子於一體示天下
之爲公除山澤之禁稅蠲務鎮之征商木輅朴居而土木
之工勿起佈墾荒田而四夷之地勿貪釋老之壯者驅之
俾復於人倫經咒之妄者火之俾絕其欺誑斷所謂瑜珈
之教禁所謂符式之科絕鬼巫破淫祀省冗官減細縣痛
懲法外之威刑求革京城之工役流十年而聽復杖八十
以無加婦女非帷薄不脩毋令逮繫大臣有過惡當誅不
宜加辱治曆明時授民作事但伸播植之宜何用建除之

謬方向然神事甚無謂孤虛宜忌亦且不經東行西行之論天德月德之云臣料唐虞之曆必無此等之文所宜著者日月之行星辰之次仰觀俯察事合逆順七政之齊正此類也元首叢脞則股肱惰而萬事皆隳人君不以察爲明帝德罔愆則帝志應而天命用休人君惟以德爲政陛下拳拳於畏天畏鬼神而所謂畏民者則未至也孳孳於治民治強暴而所以治心者猶未至也且棗盛之縈衣服之齊脩舉之時儀文之備此畏天畏鬼神之末事也陛下豈誠以此爲足以盡事天事鬼神之道哉簿書之期獄訟之斷詔誥之勤鈎鉅之巧此治民治強暴之支流也豈真以此爲足以盡治民治強暴之術哉古云天視自我民視天聽自我民聽孔子曰聽訟吾猶人也必也使

無訟乎惟一于敬則心即天祭不必瀆而受無咎之福神不必勞而享無爲之治與天地合其德日月合其明四時合其序而鬼神合其吉凶矣近年以來臺網不肅果若人言以刑名輕重爲能事以問囚多寡爲勛勞甚非所以勵清要長風采也夫人自救過之不給何暇劾人之過人自以言爲諱何能有諫諍之言御史糾彈曾承密旨未聞舉善惟曰除奸但聞上有赦宥則必故爲執特意謂如此則上恩愈重而不知被赦之人疑上好諛此輩皆市井小人趨媚劬勞之細術陛下何不肝膽而鏡照之哉何嘗真有一夫持法固爭謂某不當刑某當刑如舜曰殺之三而皋陶曰宥之三哉臣篤知陛下輕天下之士者皆此輩無以稱塞淵衷也然誰不願其父母妻子安榮哉所以

諫諍實難禍愆不測人人之罪或謂無私而出人之罪必
疑受賄逢迎甚易而或蒙 褒營救甚難而多得禍禍不
止於一身刑必延乎親友誰肯捨父母妻子而批龍鱗犯
天怒者哉

陛下進人不擇于賢否授職不量于重輕建不爲君用之
法所謂取之盡錙銖置奸朋倚法之條所謂用之如泥沙
監生進士經明行脩而多困于州縣屈于下僚孝廉人材
冥蹈馨趨而或布於 朝省驟歷清華稚埋囂悍之未闌
葺下愚之輩朝捐刃緝暮擁冠裳左棄筐篋右縮組符剔
履之賤袞繡巍峩負販之傭輿馬赫奕雖曰立賢無方亦
盡忱詢有德是故賢者羞爲之等列庸人悉習其風流以
貪婪苟免爲得計以廉潔受刑爲飾辭故有無錢工役無

盤纏之俚諺鬻勝官人沒商量之童謠出於吏部者無賢
否之分入於刑部者無枉直之判黜陟無章舉錯乖方八
議之條虛設五刑之律無常天下皆謂 陛下任意喜怒
爲生殺而不知皆臣下之乏忠良也古者鄉鄰善惡必記
今雖有申明旌善之舉而無黨庠鄉學之規互知之法雖
嚴 訓告之方未備序禮講學必有其地有其時先之以
仁義而後之以法制則庶乎磨之有漸而行之有效如影
之隨勢也今也應故事立虛文善惡二字蕪穢而莫之顧
長幼之民掉臂而不相楫紀綱不立節目無依勢使然也
臣欲求古人治家之禮睦鄰之法若古藍田呂氏之鄉約
今義門鄭氏之家範布之天下世臣大族率先以勸旌之
復之爲民表率將見作新於變漸次時雍至於比屋可封

不難矣 陛下不可視為迂濶而不切當今之急務也
 陛下天資至高合於道微百家神恠誕妄恍惚臣知
 陛下洞燭之矣然猶不免欲以愚弄天下若所謂以神道
 設教者臣謂不必然也 一統之輿圖已定矣一時之人
 心已服矣一切之奸雄已懼矣天無變災民無患害
 聖躬康寧 聖子聖孫繼繼繩繩所謂得真符者矣何必
 興師以取寶為名 諭衆以神仙為徵應謂有所某仙某
 神乎佐 國家者哉且以傳國寶論之潞王從琦已焚之
 矣屢求屢得真偽莫明假令真有之則區區李斯之書秦
 政之制何足為寶哉周武之時未有神仙符應書之所載
 可見也已而古今享國之長未有如周者神仙釋老誕變
 恍惚何足稽哉臣觀地有盛衰物有盈歉而商稅之徵率

皆定額是使其或盈也奸黠得以侵欺其歉也良善困於
 補納夏稅一也而茶椒有糧菓絲有稅既稅于所產之地
 又稅於所過之津何其奪民之利至於如此之密也且多
 貧下之家不免拋荒之咎或疾病死喪逃亡棄失今日之
 土地無前日之生植而今日之徵聚有前日之稅糧里胥
 不為呈州縣不為理或賣產以供稅產去而稅存或賣產
 以供稅產去而稅存或禪辦以當役役重而民困又土田
 之高下不均而起科之輕重無別或膏腴而稅反輕瘠鹵
 而稅反重此丈量之際里胥之弊也欲極其困而革其弊
 莫若行授田均田之法兼行常平義倉之舉積之以漸至
 有九年之食無難者臣愚所謂願除天下之征商者此也
 臣聞仲尼曰王公設險以守其國故小邑必有城墜重門

擊析以待暴客聖人之所制也而近世徂于宴安隳名城
銷鋒鏑禁兵諱武以爲 太平一且有不測之虞連郡至
望風而靡良平不暇謀賁育不暇鬪武備隳之過也及今
脩治不直動衆但 勅有司以時整葺寬之以歲月守之
以里胥額設弓手課之以弓弩兼教民兵習之兵農開武
舉以收天下之英雄廣鄉校以延天下之俊義古時多有
書院遺基學田舊業貢士有庄義田有族皆宜興復而廣
益之夫罪人不孥罰弗及嗣連坐起於秦法孥戮本於僞
書今之爲善者妻子未必蒙榮有過者里胥必陷其罪唐
虞之世四凶之罪止于流竄故殛鯀而相禹禹不以爲仇
舜不以爲嫌况律以人倫爲重而有給配婦女之條聽之
於不義則又何取夫節義哉此化原之所由也孔子曰各

不正則言不順故賈生欲易服色而定官名尚書侍郎內
侍也而以加於六鄉郎中負外何職也而以名於六屬御
史詞臣所以居寵臺閣郡守縣令不應迴避鄉邦同寅協
恭相唱以禮而今內外百司捶楚屬官甚於奴隸是到柔
懦之徒蕩無廉耻之節擊蹠曲拳於進退下氣怡色而奔
趨一爲下官肌膚不保甚非所以長孝行勵節義也臣以
爲自今非犯罪惡解官笞杖之刑勿用催科督厲小有過
差蒲鞭示辱亦足勸懲矣臣但知罄竭 哀之欲言固不
止此奉 命忖量急於陳獻所陳畧無次序亦不暇組織
成文冀以將來取譽惟 陛下幸垂鑒焉

太平十策

臣聞有堯舜三代之君而法堯舜三代之治則超過唐宋

而大平千萬世者理道之必然也欽惟

皇帝陛下德侔天地城堯舜三代之君而今之治尚未及唐
宋此臣所以日夜有望於

陛下也况臣蒙陛下之恩至深至厚刻骨銘心思所補報是
以思當今之急務王政之大端不過十事而已一曰參井
田均田之法二曰兼封建郡縣之制三曰正官民四曰興
禮樂五曰審輔導之官六曰新學校之正七曰省繁冗八
曰薄稅歛九曰務農十曰講武謹條陳以獻名曰大平十
策惟陛下憫其愚忠少加采覽焉一曰參井田均田之
法本無難事但以爲江南地狹田少不可并治溝洫勞民
而不易成且一時動搖令民失業故歷代紛紜莫知適從
唐太宗固有意矣而無其臣周世宗亦有志矣而無其時

則太平萬世之法固有待於今日也爲今之計參井田均
田之法而行之不以拘拘於方里而并勞民動衆沒溝治
途而事事合古也宜令戶部會今天下丁口若干田畝若
若干令民二百丁爲一里里同巷過失相規出入相友守望
相助疾病相扶持中爲堂右有塾左爲庠推其父老年高
德厚一人處于中堂朝夕告謁而取正焉擇有文行一人
居于右塾民年八歲者入焉教以灑掃應對禮樂射御書
數之文一人居于左庠民年十五者入焉教以詩書禮樂
脩已治人之方毋敢縱逸每丁受田若干畝廬舍邑居池
井畜牧山林蔬菓之地若干畝樹藝各隨其土之所宜一
里之人各治其私田若干畝而共耕公田若干畝山林畜
牧之地亦如之民年二十受田老免及身後還田賣買田

地則有重刑朝而畢出各事其事暮而畢入習學左庠後
爲中堂婦人相聚以治女工有地狹人稠土地饒瘠之鄉
有司資以舟車給其衣食徙之江淮之間閑曠之地孰不
懽然以相從哉如此貧富何患其不均詞訟何患其不息
天下何患不治大平萬世理有必然也一先將古人井田
均田小宗之法及小學朱子家禮顏氏家訓呂氏鄉約女
教及今義門鄭氏家範等書類聚考訂刊行天下長幼習
讀有親族異產者務要即時同居共爨如有不遵遷于化
外二曰兼封建郡縣之制夫衆建諸侯而少其地此萬世
不易之論周家以是長久天下之所共知也世儒議論紛
紜不足稽考爲今之計異姓不可封也惟諸王所封之地
宜以一縣令主治之一循古者諸侯之制擇賢以輔惟世

于襲爵其庶子十歲以上者於水陸都會山川要害

處別封以一縣擇賢能之人輔之如此則歲有封建不過

五六十年之間州縣將盡爲侯國而天下諸侯皆

陛下子孫矣豈不萬年盤石之固哉一惟帝子封王王

之嫡子襲王爵庶子定封侯九年考其賢者封王次賢者

封公其有過降爲伯子男封地廣狹並同有無子者他國

庶子繼立務要親疏昭穆得其至當一先將古者侯國

制度考定成書刊行天下通知先給一本諸王一古人削

地之法不可行蓋削地益地後致強弱不同三曰正官名

今之六部卽古之六官而尚書之官本漢朝內臣如尚衣

尚寶之類而以爲六卿名實不相符矣侍郎之名亦自不

通宜改從古四曰興禮樂一今天下祭祀無樂宜詳定頒

行天下一古者庶人皆通音樂今天下和平宣令百姓並
習音樂一宜令天下訪求精曉音律通究禮典者條陳盡
圖以進一天下生員每間日習禮樂如出榜畫圖曉示之
後無能通曉者或選樂生往教或令自求師如是數年之
後今大常樂舞生及教坊司皆可罷斥矣一禁天下胡琴
羌笛一應俗樂禁庶人不可作園社一京城及天下官路
宜分爲五級廣若干步中爲御道高於地若干丈其左
官員儒士路一農商行路一其右工人行路一婦人行路
一使四民不收之人無自出焉古人男女異路亦此意也
並以欄牆隔之牆高及肩於上印刻禁戒不許叅越其士
農工商之人異其衣冠使四民不收之人無容其身士緇
布冠烏紗深衣漆爲之骨簪履襪以白皮布任用黑質白

練其常服許戴今之頭巾及大明帽圓領衫絲絛皂靴
等生員並同農工商賈不許農臺笠棕草任用上衣稍長
下及於膝布裳履襪以布布草任用色以皂商臺笠以竹直領衫
爲之布裙履襪以布布草任用以皂商臺笠以竹直領衫
履襪白布布草任用以白五曰審輔導之官夫輔導諸
王宜擇方正之士以佐王王必敬而禮之朝夕諮訪今後
凡王府官宜審試之一教世子之法及左右前後之官今
皆未備宜先令搜求古法及賈誼之策而行之六曰新學
校之政一每縣學生員三十人府學百人每歲春秋二季
縣之儒士試於學試中曰俊士始入縣學縣設公宴迎榜
至其家縣官親送二年各縣之生員試於府以八月試中
曰選士始入府學宴迎之禮亦如之三年鄉試會試殿試

如今制始曰進士每歲府學貢十人於國學曰貢士試中
縣官傳榜名至其家府縣濫取並有重罰 一開制科取
士不用大臣保舉餘從宋制宜少取數名並賜進士及第
前進士及三甲者許應 一宜今天下投進詩書著述官
爲刊行今福建及各處書坊今國學見在書板文淵閣見
在書籍參考有無盡行刊完於 京城及大勝港等處官
開書局就於局前立牌刻詳書目及紙墨二本令民買販
關津免稅每水陸通會州縣立書坊一所制度如前一法
帖本亦宜求善本類聚刻石一木 七曰省繁冗 一州
縣地方民戶大小不均宜均平之官員繁冗不足爲治州
縣繁要去處止用正官一員首領官一員僻遠去處止用
一員若所用得人一人爲之有餘矣 一各處卷宗長幅

大卷常有遺失今後每年一縣將簿十二本赴 京用結
勘合回縣書馬案卷其各衙門行移狀詞等項刪去繁文
止用小紙勘合一張廣狹隨文多少務要與簿相等立卷
隨即粘上於簿歲終六本解赴 京六本收本處 一後
堂設案六隻櫥六箇吏當官前寫辦文書一置一櫃於公
廳專收文簿朝則官啓之暮則官封之 一如事多未一
年而卷簿滿者許奏添 一以里長代吏胥禁子一年一
更此亦絕奸吏之良法也 一各宜立鑄鈔庫 一僞造
鈔者滋多刑之不絕宜於鈔上置半印勘合流派字號蓋
一貫一號兩貫同號真僞可辯矣 八曰薄稅斂一宜今
天下錢鈔金銀穀帛金銀使用 一商賈之利有盈虧都
會之地有興廢今稅有定額民必受害宜今各處稅課隨

時多少從實徵收或今百姓各人戶上先行補納官收稅
錢至冬均給還之則衆輕易舉官民俱利百姓無巡攔之
困矣 九曰務農 農者天下之本而食者民之天故蓄
積多而備先具兵荒歲旱誠不足憂也及 今天下豐歲
正宜於天下要害之處每歲積糧若干民樂近輸而國受
長久之利計之善者也 一每一里設由喚一人以今之
耆宿爲之專一巡察以警勤惰以農桑集要等書教之
一先將農桑集要齊民要術及樹藝水利等書類聚考訂
頒行天下今各家通曉 一義倉之法宜悉講求即今天
下民自建立則雖有水旱不足憂矣 十曰講武 一宜
依唐宋舊制開武庫蓋郭子儀之徒亦出於是也 一古
人通患郡縣無城器械不完芻糧不備效賊長驅所在風

靡 今太平之世正宜於各處州縣皆立城池令民冬月
脩築就各處立武學 一各處夜則擊柝守城各處生員
尤當講兵書習武事文武並用久長之術也 一軍器木
石草穀宜於武學之後各置倉庫每歲成造時時檢閱務
要堅良 一武舉準科舉之制 一國學宜高大其制環
之以水春秋教以禮樂冬夏教以詩書早則升堂一揖退
而會食各處其所聽其自相講貫學門之內聽其自然止
禁其戲言戲動無故而出學四時之季一試有不善責令
改之一不改降之下等再不改免冠責之三不改加刑焉
四不改屏之遠方三年而不悔投之四裔終身不齒 一
將武經之屬考校而使之習武舉定式宜參唐宋制 一
大將凱還宴於學宮凡武舉之子皆令入學可用則受之

以職其不才則罷黜之

右十策謹如前萬一可采伏望 內降手教付大臣施行
不勝蕪甚臣復切念前者妄論邊謀干竇聖聽戰兢累日
以待斧鉞之誅 陛下憐之不已赦其罪矣臣愈感恩
浸入心骨知 陛下既以臣爲親臣矣臣固不敢自同於
衆人也若此陳獻非云報 國以見臣一介愚蒙拳拳之
忠耳至於臣之許 國天長地久皆建功立效之時惟
陛下幸垂憐之

論袁泰奸黜狀

臣謹按袁泰本一奸克素無學術謬登科甲忝辱憲臺居
無鄉曲之譽仕無州縣之聲獲罪刑徒尚遺賄賂侈然自
安 陛下洗滌陞遷不思補報一恃奸權肆無忌憚廉耻

蕩然放僻元甚槩其大節則不忠疏其細行則無禮罔曲
直之是非縱喜怒爲輕重法所當宥則深文巧詆必致其
辜法所當刑或匿重見輕而緩其獄凡其罔 上之語盡
是入人之私私賣恩惠於隱微許受公平於奏對心毒口
甘陽助陰濟伺察淵衷轉意簧舌包藏衆禍傾巧百端專
行已意莫敢誰何每有奏聞恣其改削衆庶銜冤官僚畜
愧 君恩不得下施輿情不得上達此固天地不容人神
共怒者也而况數其鄙猥尤可慚羞久玷清華大興怨謗
面目可憎素乏溫和之氣語言難狀絕無愷悌之辭輕佻
肆虐躁怒發狂出穢詈於朝堂視同寅如奴隸微而服食
之驕吝傳播兒童之笑言貪黷穿窬恬不知耻皆奴輩小
人之所不爲者臣將悉數其罪然不覺自慚汗下伏望發

自 淵衷退人以禮解其機務投置四夷以稱 唐虞之治

論韓國公寃事狀

臣聞君親無將春秋誅意臣子事嫌于不軌固天下之所共誅幽冥之所同憤者也然於事嫌不軌之中辯析幾微之際此禍機之所不測骨肉之所難言者惟 明主能察焉竊見太師李善長與 陛下同一心出萬死以得天下為勲臣第一生封公死封王男尚公主親戚皆被寵榮此人臣之分極矣志願亦已足矣天下之富貴無以復加矣若謂其自圖不軌尚未可知而今謂其欲佐胡惟庸者揆事之理大謬不然矣人情之愛其子必甚於愛其兄弟之子安享萬全之富貴者豈肯僥倖萬全之富貴哉雖至病

狂亦不為矣善長於胡惟庸則姪之親耳於 陛下則子之親也豈肯舍其子而從其姪哉使善長佐胡惟庸成事亦不過勲臣第一而已矣太師國公封王而已矣尚主納妃而已矣豈復有加於今日之富貴者乎且善長豈不知天命之不可倖求取天下于百戰而難危也哉當元之季欲為此者何恨莫不身為齏粉世絕宮污僅保守領者幾人哉此善長之所熟見也且人之年邁摧頹精神意慮鼓舞倦矣偷安苟容則善長有之曾謂有血氣之強暴動惑其中也哉又其子事 陛下托骨肉至親無纖芥之嫌何得忽有深讐急變大不得已之謀哉凡為此者必有深讐急變大不得已而後父子之間或至挾以求脫禍圖全耳未有平居晏然都無形跡而忽起此謀者也此理之所必

無也若謂天象告變大臣當災則殺人以應天象夫豈上天之所欲哉今不幸以失刑而臣慄慄為明之猶願陛下作戒於將來也天下孰不曰功如李善長又何如哉臣恐四方之解體也且臣至疎賤非不知言出而禍必隨之然耻立於聖明之朝而無諫諍之士始者側聽私室引耳朝端意謂群臣豈無忠智左右侍近必有為陛下言者公卿大臣必有為陛下言者臺諫御史必有為陛下言之者臣所以忘其疎賤與陛下言者感悟臣其就鼎鑊無所復恨矣

進實錄表

伏以

聖人受命啓萬世之鴻基史氏纂書示百王之大法是故

堯舜之事載於典謨文武之政布在方策昭明日月炳耀丹青俾文獻之足徵實古今之通議矧創業垂統皆在於詒謀而繼志述事敢忘於紀載鼎彝有勅聖哲相承鋪張極盛之閔休揚厲無窮之備續歷述前聞之作允為達孝之規欽惟太祖聖神文武欽明啓運俊德成功統天大孝高皇帝應千年之景運集群聖之大成天命眷顧之隆起徒步不階於尺土人心悅服之固未三年已定於京都龍飛雲從而華夏變貊罔不率服日臨月照而山川鬼神莫不攸寧有過化存神之妙有綏來動和之應英傑不期而會遐邇不令而從盡收當世之賢才大拯生民於水火群雄歸命不戮一夫元主遁荒禮遣其嗣四方幅員之廣亘古所無中國先王之典悉復其舊傳聖賢道

學之統守帝王心法之言罷黜百氏彌綸六經範圍化工
曲成萬物天休茲至而兢業貫乎始終諸福畢臻而謙抑
純乎表裏在位之久三十餘年升遐之日萬方哀悼比于
近古邈焉罕儔漢高年不登於中壽光武運僅紹於中興
唐高祖因隋之資宋太祖乘周之業元世祖席累世之威
皆未有若斯之盛者也欽惟 孝慈昭憲至仁文德承天
順聖高皇后天生聖善克相肇基側微德邁於嬪虞開劔
功超於胥求協坤元之吉夙開文定之祥鳴鳩均衆子之
恩螽斯奄百男之應保合承天之慶簡能造化之仁歷考
古之后妃蓋莫盛於周室然摯任誕聖而無輔運之績邑
姜輔運而無誕聖之祥矧皆起於邦君或克成其世緒降
及近世皆非等倫若夫同起布衣化家爲國調元翊運參

機贊謀正位中宮十有五年慈訓昭明文德通理家邦承
式天下歸仁誕育 聖躬萬世永賴自古以來未之有也
欽惟 皇帝陛下體合乾坤重華日月

上天申命卓然中興煥帝堯之文章續武王之繼述孝事
太祖有見而知發蘭臺記注之書而徵以藩邸之副抽金
滕石室之秘又考於世家之藏爰當嗣位之初首頒脩史
之詔臣繙總裁臣某等纂脩慎選多士宴錫便蕃卽開館
于禁中屢繙閱於幾暇以百人之衆歷期年之久惟務校
讐之事實無黼散之能巍巍道冠於百王蕩蕩功超於千
古是知禮樂征伐所自必有訓誥之文雲霞華卉之生何
勞繪畫之力仰青天而瞻象緯尚奚整於名言開王府而
見璠璣惟自慶其希遇因文序次莫抽一辭之贊揚據事

直書永示萬年之大訓謹撰述

太祖實錄一百八十三卷繕寫成一百二十五冊謹伏關
上進臣縉等無任瞻天仰聖慚懼屏營之至謹奉表
以聞

謝恩表

大祖皇帝寶錄告成蒙

恩賜臣等白金綵弊衣服鞍馬加賜筵宴謹奉表稱謝伏
以史冊光華紀載聖神之實惠睿恩錫類誕敷雨露
之均恩是知達孝愛其所親至仁不擇所施欽惟與天
同運如日之升至孝為天所相而謂孝莫先於顯揚至仁
為衆所歸而謂仁莫大於尊親爰自君臨大寶之初即
下脩史之詔兢業萬幾之暇不忘開卷之勤臣等繕修未

學承命惶悚日觀聖明之事手授傳信之編鑿坡

螭陛之書無庸黼黻石室之金騰之秘不費討論但日食

大官之膳又時承異數之褒雖盡力於葦年實無加於

毫末者也茲編次成書伏闕上進恩榮稠疊慚懼交并

錫以天閑之駟馬頒之內帑之金帛榮及衆足其用錦服

焜煌照耀都城之耳目華筵沾醉驪騰士庶之榆楊臣縉

等省已無勞服膺莫報聖壽齊天一經行世幸附姓名

於不朽仰惟日月之長存

伐作賀河清表

永樂三年十二月二十九日平陽府報本月十日蒲州河
津縣黃河水清事干大瑞謹奉表稱賀者伏以聖人在上
瑞應清曠古奇逢適當盛世欽惟天地合德日月同明

所以川嶽効靈而光昭盛德也臣等居近河濱觀茲上瑞
九萬里從天而降三十年一旦而清雲漢昭回神人交慶

賀平交趾表

聖人得位寰宇同春弘敷濟衆之深仁克廣普天之鴻業
華夷一統海岳均安恭惟

皇帝陛下德合重華功高神禹萬里救民於水火六師致
討於渠魁肅清嶺徼之餘風光復唐堯之舊境實有同於
開天闢地之功啓運肇基之盛也臣某職守南冠躬逢盛
事同懽情於億兆祝 聖壽於萬年

賀中宮箋

天啓

聖明政資內助輿圖益廣臣庶同歡敬惟

皇后中宮厚德承天深仁逮下邇以南夷弗請師出救民
肅恭宵旰之勤協順含章之美是以母儀天下宗廟永安
也臣某等忻逢盛事戢守承宣瞻望五雲之尊敬祝齊
天之壽

賀東宮箋

聖明啓運 寶曆應期大本奠安普天懷服敬惟


太子東宮 睿資天縱

聖學日新邇以南夷干紀邇郡靡寧龍樓溫清而弼諧虎
旅感興而用命是以救民之功同於創業之盛也臣某等
忻逢盛事戢守承宣仰瞻日表之姿敬祝千春之壽

龍溪先生文集

卷之二

三十一



解學士文集卷之一終

